

Broj: 02/12-45-5001/20
Sarajevo, 27.03.2020. godine

Na osnovu člana 70. stav 3. Zakona o javnim nabavkama ("Službeni glasnik", br. 39/14), te člana 14. stav 2. tačka 2. Pravilnika o nabavci roba, uvršenju usluga i ustupanju radova, br. 09-05-26263/15 od 27.11.2015. godine, u postupka javne nabavke usluga - Održavanje sistema Matični registar, u Pregovaračkom postupku bez objave obavještenja o nabavci, po preporuci Komisije za javne nabavke roba i usluga od 27.03.2020. godine, Općinski načelnik, donosi

ODLUKU

1. Prihvata se ponuda ponuđača «ITINERIS» d.o.o. Tuzla, sa najnižom cijenom ponude u iznosu 2.948,40 KM sa PDV-om, u predmetu javne nabavke «Održavanje sistema Matični registar» u Pregovaračkom postupku bez objavljivanja obavještenja o nabavci.
2. Zadužuje se Služba za zajedničke poslove, da obavjesti učesnika u pregovaračkom postupku o donošenju Odluke o rezultatima konačnog postupka javne nabavke i da zaključi ugovor po konačnosti iste.
3. Obavezuje se ponuđač iz člana 1. ove Odluke da u roku od 5 (pet) dana od zaprimanja iste, dostavi dokumente koji se odnose na član 45. stav 2. tačka od a) do d) Zakona. Dokazi koji se zahtijevaju moraju biti original ili ovjerene kopije, i ne mogu biti stariji od 3 mjeseca računajući od momenta predaje ponude.
4. Protiv ove Odluke dozvoljena je žalba u roku od 10 dana od dana prijema iste, a koja odlaže izvršenje.

Obrazloženje

Na osnovu zahtjeva Službe za zajedničke poslove br. 02/12-sl/od 26.02.2020 godine, donesena je Odluka o pokretanju postupka javne nabavke, te je pokrenut Pregovarački postupak bez objave obavještenja o nabavci, shodno članu 21. stav 1. tačka c) Zakona o javnim nabavkama i upućeno pozivo pismo ponuđaču «ITINERIS» d.o.o. Tuzla za učešće u pregovaračkom postupku i podnošenju inicijalne ponude.

Komisija je dana 23.03.2020 godine pristupila otvaranju ponude ponuđača «ITINERIS» d.o.o. Tuzla, te konstatovala da je navedeni ponuđač ponudio cijenu .

- cijena bez PDV-a u iznosu od 3.000,00 KM
- popust na cijenu ponude 480,00KM
- cijena punde sa uključenim popustom 2.520,00KM
- PDV 428,00
- ukupna cijena za ugovor 2.948,40 KM.

Komisija je izvršila pregled dostavljene ponude, te utvrdila da ista ispunjava kvalifikacione uslove utvrđene tenderskom dokumentacijom, te je pristupila pregovorima o svim bitnim elementima ponude, shodno mišljenju Agencije za javne nabavke kojim je navedeno "Povodom aktuelnih dešavanja u Bosni i Hercegovini u vezi sa koronavirusom (COVID-19) i službenim proglašenjem pandemije od strane Svjetske zdravstvene organizacije od 11.03.2020. godine, te Odluke o proglašenju stanja prirodne ili druge nesreće na teritoriji Bosne i Hercegovine od strane Vijeća ministara BiH od 17.03.2020. godine, Odluke o proglašenju stanja nesreće zbog koronavirusa na području Federacije BiH od strane Vlade Federacije BiH od 16.03.2020. godine i Odluke o proglašenju vanredne situacije u Republici Srpskoj od strane Vlade Republike Srpske od 16.03.2020. godine- kao i okolnosti koje koje iz toga proizilaze kao što su ograničenje kretanja, izbjegavanje većih javnih okupljanja, zatvaranje granica BiH i slično, te specifične dinamike rada ugovornih organa koje opisane okolnosti nalažu, Agencija za javne nabavke BiH daje preporuku svim ugovornim organima da u slučaju provođenja pregovora, a u vezi sa primjenom pregovaračkog postupka sa/bez objave obavještenja ili drugih postupaka koji predviđaju pregovaranje između ugovornog organa i kandidata/ponuđača (postupak za dodjelu ugovora za usluge iz Aneksa II Dio B Zakona, postupak direktnog sporazuma), iste provode telefonskim putem, kako bi se izbjegao kontakt između lica koja učestvuju u samom postupku pregovaranja." Dana 26.03.2020.g. telefonskim putem, provedeno je pregovaranje između ugovornog organa i ponuđača:

- te postignut sporazum o cijeni usluge u iznosu od 2.948,40 KM.sa PDV-om, te da se ista smatra i konačnom,
- da je pregovorima sa predstavnicima ponuđača postignut sporazum o bitnim elementima ponude; cijena, način plaćanja putem jednakih mjesečnih rata, način pružanja usluga definisanih tačkom 2. tenderske dokumentacije, a koja se odnosi na nadogradnju sistema po potrebi-prilagođavanje sistema zakonskim propisima, otklanjanje nedostataka (održavanje) programskih modula u slučaju kada zakonodavac propiše izmjene koje se odnose na izvještaje, obrasce i poslovne procese koje je moguće implementirati dodavanjem ili modifikovanjem postojećih komponenti sistema, otklanjanje nedostataka i eventualnih grešaka, ali ne i grešaka u podacima i dokumentima koje korisnik obrađuje, nadogradnja programa bez dodatne naknade u slučajevima kada su proizvedene nove verzije programa,

kao i besplatna isporuka prateće dokumentacije u pisanoj ili elektronskoj formi, pomoć korisnicima putem telefona, neograničen broj intervencija putem interneta, kontinuirano praćenje procesa replikacije iz općinskog registra u tvenni matični registar Federacije BiH, te praćenje izmjena u tehnologiji korisnika i usklađivanje sa novim zahtjevima sistema. Nakon usaglašavanja o svim elementima ponude, zapisnik je elektronskim putem dostavljen na potpis. Kako je dostavljen potpisan zapisnik bez primjedbi 26.03.2020 godine, te kako je ista potpuna, to je primjenom kriterija «najniža cijena ponude», shodno članu 64. stav 1. tačka b) Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove Odluke dozvoljena je žalba Uredu za žalbe Mostar u roku od 10 dana po prijemu iste. Žalba se izjavljuje putem ovog organa u pisanoj formi direktno, elektronskim putem ili preporučenom pošiljkom u najmanje tri primjerka.

DOSTAVITI:

1. Služba za zajedničke poslove
2. U spis



Općinski načelnik

mr. Semir Efendić